

बर' / BODO

(मावथारनो गोनां) / (Compulsory)

सम थिखानाय : थाम घन्टा

Time Allowed : **Three Hours**

गासै नाम्बार : 300

Maximum Marks : 300

सोंथि बिलाइनि थिखानाय बिथोन

सोंथि बिलाइखौ फिननायनि सिगां गाहायाव होनाय बिथोनखौ मोजाडै फराय :

गासैबो सोंथिनि फिननाय हो ।

फिननायनि नाम्बारा सोंथिनि उनाव होखानाय दं ।

फिननायखौ बर' (देवनागरी हांखो) रावजों आरो सोंथि बादियै हो ।

सोदोबनि थिखानाय बायदियै फिन आरो जुदि सोंथि बायदियै फिननाया गुसुं एबा गोलाव जायो अब्ला नाम्बारखौ दाननाय जागोन ।

फिन बिलाइनि आगसिथिं बिलाइयाव थानाय लांदां बिलाइखौ मोजाडै दाननानै होनांगोन ।

Question Paper Specific Instructions

*Please read each of the following instructions carefully before attempting questions :**All questions are to be attempted.**The number of marks carried by a question / part is indicated against it.**Answers must be written in **BODO** (Devanagari script) unless otherwise directed in the question.**Word limit in questions, wherever specified, should be adhered to and if answered in much longer or shorter than the prescribed length, marks may be deducted.**Any page or portion of the page left blank in the Question-cum-Answer Booklet must be clearly struck off.*

Q1. गाहायाव होनाय आयदानि सायाव जायखिजाया मोनसेनि रनसाय 600 सोदोबजों लिर : 100

- (a) गथ'फोरा उदै बुंजासे मोनजायैनि (Malnutrition) जेंना
- (b) बुहुमनां गोजोननि जेंनाफोर
- (c) बिमा राव आरो गुदि सोलोंथाइ
- (d) गुबुननि गोरबोआव फिसा खांहोनाय (Surrogacy) आरो समाजारि गनायथि

Q2. गाहायाव होनाय खोन्दोखौ गोसो होना फराय आरो उनाव होनाय सोंथिफोरखौ रोखा, गेबें आरो सुंद'वै फिन हो : 12×5=60

गोजाम भारतनि राज खुंथाइया औरै बायदि गोहोम खोरत्लैनो हानायमोन, राजाखौ राइजोनि जिउमा होननानै साननाय जायोमोन । गोजाम दोहोरोम बिजाबफोरनि बादिब्ला राजाया जादों फोरजाफोरनि थाखाय सोरगोनि थान्दै आरो फोरजाफोरा बिनि मददजों गावसोरनि गोजोन गैयै जिउनिफ्राय रैखा मोननो हायो । राजा गैयै समाजनि जिउवा दुखु गोनां जायो । गोजाम भारतनि सानसुमैफोरा, राजा एबा राइजो जोनोम जानायनि सोमोन्दै सम-सम गावसोरनि बिबुंथिखौ होलांदों । बेफोरखौ सोरगोनि बोसोन खान्थि (Divine Principle), गोहोनि बोसोन खान्थि (Principle of Power), रैखाथिनि बोसोन खान्थि (Principle of Security), समाजारि गोरोबलायनाय खान्थि (Principle of Social Contract) आरो बायदि बायदि मुंजों फोरमायदों ।

कौटिल्यवा राइजोखौ सुबुं जिउनि थाखाय मोनसे गोनांथार, नांथारगौ आरो अनसुंथायारि फसंथान होननानै मातिनानै लादों । बिथाडा राजानि जोनोमखौ फारि-फारियै जाबोदों होननानै बिजिराखै, नाथाय गावनि 'अर्थसास्त्र' आव गिदिर नाया फिसा नाखौ मन'नाय बायदियैनो गोदो – गोदायनि दिनावबो गोहो गोनांफोरा गोहो गैयैफोरखौ नासयोमोन होननानै रोखायै फोरमाय लांदों । सुबुंफोरा बे बादि अन्यायजों (ना नियाय) साजा होजादोंमोन । साजा होजानाय सुबुंफोरा ज' जानानै सासे रोंखा-राखा मानसिखौ गावसोरनि राजा सायख'दोंमोन । बिसोरो गावसोरनि दिखानानै मोननाय आबादनिफ्राय फानद'नि फानसेखौ आरो फालांगि खालामनायनि आइनिफ्राय फानजिनि फानसेखौ राजानो होनो होननानै थांखि लादोंमोन । बेनि सोलाय राजाया फोरजाफोरखौ अनसायनायनि बिबानखौ रुजुनदोंमोन । गाव बानायनाय खान्थिफोरखौ मानिनानै लायै फोरजाफोरखौ राजाया साजा होनायमोन । इन्द्र आरो जमफोरनि बायदिनो राजाखौबो फोरजाफोरनि सुंथागिरि होननानै मानिनानै लानाय जायो मोन । कौटिल्यनि बादिब्ला राजाखौ मानियै जानो एबा बिखौ लाजिफोनांनो मोना ।

जाय समाजाव राजाया गावनि फोरजाफोरखौ रैखाथि होयो बै समाजाव मानसिफोरा गावसोरनि नफोरनि दरजाखौ खेवना दोननानै गिनाय गैया बालानो बेरायथिडो । जेब्ला राजाया रैखाथि होयो, आइजोफोरा सना-रुफा गाननानै लामा-सामाकोराव दारसिडै बेरायनो हायो । राजाजों रैखाथि होजानाय समाजाव सुबुंथिनि साम्राज्य फसं जायो । बे बायदि राइजोया फारफ्रोम बिथिनिफ्रायबो जौगाखांबोयो । बे सैथोखौ कौटिल्यनि ‘अर्थसास्त्र’ जों लोगोसे गुबुन माखासे गोजाम बिजाबफोराव रायखांदों । सिगाडाव राजानि मासिया जोरनाय गैयि आरो गोहोआबो एसेल’मोन । नाथाय बैदिक मुगानि उनाव, राइजोनि सिमाया एरलानायजों लोगोसे राजानि गोहो आरो सन्मानाबो बांबोदों । फोरजाफोरनि रैखाथिनि सोलाय राजानि फारसे बांसिन नोजोर होनो हमनायसै । राजानि मासिखौ सन्मान होनायनि गेजेरजोंनो राजानि मान-सन्मान, देलाय-मालाय आरो नांनायनि बांसिन दिन्थिनाया बांबोनायसै । बेयो सुक्र’नि बोसोन खान्थियाव रोखायै फोरमायनाय दं ।

- | | | |
|-----|--|----|
| (a) | राजा आरो राइजोनि गोजाम सान्दानाया (concept) मा ? | 12 |
| (b) | ‘ना नियाय’ खौ इनाय होननायनि थांखिया मा ? | 12 |
| (c) | राजा आरो फोरजाफोरनि गेजेराव गावजों गाव सोमोन्दो फसंनायनि गुदिया मा ? | 12 |
| (d) | ‘सुबुंथिनि साम्राज्यनि’ ओंथिया मा ? | 12 |
| (e) | उन-बैदिक मुगायाव फोरजाफोरनि थासारियाव मा सोलायनाय फैदोंमोन ? | 12 |

Q3. गाहायाव होनाय खोन्दोनिफ्राय थाम बाहागोनि से बाहागोजों मोनसे सुंदोब (Précis) लिंर । सुंदोबखौ नोंनि रावजों लिंर । बिमुं होनो नाडा :

60

राजा राममहन रायनि खामानि-दामानिनि बेरेखा खालामग्रा भारतारि फालांगिरिफोरा ब्रह्म समाजनि गोहोमखौ फोजोबनो थाखाय 1830 इं मायथाइयाव धर्म समाज मुंनि मोनसे फसंथानखौ दादोंमोन । बे समावनो हेनरी डेर’जिय’वा गोदान रोखोमै मोनसे सोलोंथाइ गौथुम, हिन्दु कलेजाव ‘अकादमिक एसोसिएशन’ (फरायसा सोलोंथाइ) आफादखौ दायो । बे आफादा दोरोडारि खान्थि आरो खोमसि फोथायनायनि बेरेखानि फारसे गुबुन बिदि गौथुमफोरनिखुइ गोखोंसिनमोन । बे आफादानो लाइमोन बंग’खौ (Young Bengal) गायसनो । हिन्दु कलेजनि साख्रि मावग्राफोरा जेब्ला बिसोरखौ कष्ट’ होनो हमो अब्ला बे गौथुमा गावसायो आरो बेनि सिगांनि सोद्रोमाफोरा ब्रह्म समाजाव हावो । राममहन राय थैनायनि उनाव बे समाजखौ सासे मुंदांखा बांगालि फालांगिरि

द्वारकानाथ ठाकुरा दैदेनो । जिगु जौथाइनि ब्रैथि आरो बाथि जिथाइनि समाव बांगालाव गियान फोसावनाय आरो गुबुन गुबुन थांखिजों दाजानाय गौथुमफ्रा मोनसेनि उनाव मोनसे जोनोम जानो हमो । जोबनायाव इं 1851 मायथाइयाव कलकात्तायाव बृटिश इंदियान एससियेशन मुंनि मोनसे राफोद हादोरनां राजखान्थि हानजाखौ दानाय जायो ।

बे रोखोम जाथाइखौ बम्बाइयावबो नुनो मोनदोंमोन । हादरनि बे दाबसे जायगायाव सोमावसारनायनि गाहाइ दैदेनगिरिया गोनां गोथों आरो मान-सन्मान गोनां पारसीफोरमोन, जाय फामु खुंफैग्राफोरखौ मदद होफादोंमोन, आरो सानैसो महाराष्ट्रनि दावगाफुनाय लाइमोन मेलेमजिबिफोरबो दंमोन, जाय इउरपनि खान्थिजों दैदेनजानाय ओनसोलनि सोलोंथाइ फसंथान एलफिनस्टन कलेजजों नांफाना दंमोन । बे मेलेमजिबिफोरनि गेजेराव बालशास्त्री जाम्बेकारा गाहाइमोन । बियो सानस्नियारि इंराजि-माराठि 'बम्बाइ दर्पण' खौ फोसावदोंमोन । बियो हादर खुंनायनि खामानियाव भारतारिफोरखौ थिसननो थाखाय इंराजफोरनि सिगाडाव बुंथिग्रामोन आरो फामुवारि खाजोना आरो मासुल खान्थिखौ मुं सुग्रामोन । रामकृष्ण बिश्वनाथा भारतनि जारिमिन सोमोन्दै माराठियाव बिजाब गांसे फोसावदोंमोन । बे बिजाबाव बियो भारताव ब्रिटिशफोरनि खान्थिखौ मुं सुदोंमोन । बबेखानि गासैखौबो मोजां खालामजोबनो हायो होननानै बियो सानग्रामोन । बेनि थाखाय रोंखा राखा इंराजफोर आरो भारतारिफोरनि गेजेराव गोथौ सोमोन्दो फसंनंगोन । गपाल हरि देशमुखा पुनानिफ्राय ओंखारनाय 'प्रभाकर' आव लिरबिदां लिरग्रामोन । बियो भारतनि उदांसिया जाफुंसार जायिनि जाहोनफोरखौ बिजिरो, जाय बिनि नोजोराव गोजाम सामन्त खान्थिखौ फालिनाय आरो जौगा थाखो आरो सरासनस्त्रा भारतारिफोरनि गेजेराव गावबा गावनि गेजेराव आलादा खालामना होनायनि गाहाइ जाहोन ।

1852 मायथाइयाव फसंजानाय बम्बाइ एससियेसनाव बै समाव गावसानाय फैदोंमोन जेब्ला लाइमोन फरायसाफोरा इंराजफोरनिफ्राय साफ्रोमबो भारतारिफोरनि समान मोनथाइ दाबि खालामदोंमोन आरो गुरै हान्जानि (नरमपन्थी) गोजौ थाखोनि फालांगिरिफोराबो बेनिफ्राय गावसालांदोंमोन । माद्रास एससियेसनाल' हारसिडै भारतनि जमिदारिफोरा आबादारिफोरखौ सोबख'नायखौ बन्द' खालामनो सोंथि दैखांदोंमोन । बै समाव इस्ट इन्दिया कम्पानिनि चार्टरनि सायाव नायबिजिरफिननाय जादोंमोन, बेनिखायनो मोनथामबो एससियेसनफोरा भारताव फामु खुंथाइनि 'इनाय' नि सोमोन्दै फोरमायनानै लन्दननि संसदाव आरजलाइ दैथायदोंमोन ।

(361 शब्द)

मोनफ्रोमबो हादोदनि जारिमिना भुमखौरांजों गोहोम खोख्लैजानाय । भारतनि बाश्राखौ बुंनो थाडोब्ला बेनि सोदोमस्रिया गोदो-गोदाय निफ्रायनो उदाडै गेवसारबोदों । साहाथिं गोजौ-गोजौ हाजोमाला आरो खोलाथिं लैथोमाफोरजों बेंजानानै बेयो बुहुमनि गुबुन बाहागोजों दानख'जानाय बायदि जानानै दं । बेनिखायनो, बेवहाय गुबुन हादोदनि गोहोमा बांद्राय गोग्लैयाखिसै । 1600 माइल गोलाव आरो 50 माइल गुवार हिमालया सोनाबनिफ्राय सानजाथिं नैथि इन्जुर महरै गसंनानै दं । सानजाहा थानाय पाटकाइ, नागा आरो लुचाइ हाजो आरो बेनि गुदु हाग्राफोरा थांलाप-फैलायखौ हेंथा होयो । सोनाब फारसेथिं खैबर आरो बलन मुंनि हाजो लामाफोरजों गुबुन हादोदारिफोरा हाबफैयोमोन । खोला फारसेथिं लैथोमाया गोबां सिगांनिफ्रायनो भारतजों थांलाप-फैलायखौ गोरलैयैनो होबथा बोदों । नाथाय उनाव दैजों हान्थिग्रा राहाया गोबाडै-नो जौगाबोदों । बेनि फिथाइ हिसाबै, लैथोआ फालांगिनि थाखाय मोनसे मोजां लामा जानानै फैयो । भास्क-दा-गामा नि दैदेननायाव पर्दुगिजफोरा 1498 इं मायथाइयाव लैथोनि लामाजों गिबि खेबनि थाखाय भारताव आगान होफैजेनो । बिसोरनि उनाव दाटस, फराची आरो इंराजफोरा आगान होफैयो । भारताव गावसोरनि गोहोखौ गायसननो थाखाय बिसोरो गोबाव सम गावजों गाव जुजिलायबाय थायो । भारतनि भुमखौराडारि थासारिनि थाखायनो बेनि सोदोमस्रियाव गुबुन हादरनि गोहोमा बांद्राय गोलेनो हायाखिसै ।

At the stroke of the midnight hour, when the world sleeps, India will awake to life and freedom. A moment comes, when we step out from the old to the new. It is fitting that at this solemn moment we take the pledge of dedication to the service of India. The service of India means the service of the millions who suffer. It means the ending of poverty and ignorance. It means the ending of disease and inequality of opportunity. The ambition of the greatest man of our generation has been to wipe every tear from every

eye. That may be beyond us, but as long as there are tears and suffering, so long our work will not be over. This is no time for petty and destructive criticism, no time for ill-will or blaming others. We have to build the noble mansion of free India where all her children may dwell.

It is a fateful moment for us in India, for all Asia and for the world. A new star rises, the star of freedom in the East, a new hope comes into being. May the star never set and that hope never be betrayed !

- Q6. गाहायाव होनाय सॉलुफोरनि फिन हो :** **10×4=40**
- (a) गाहायाव होनाय बाश्त्राफोरखौ मोनसे सोदोबजों फोरमाय : **2×5=10**
- (i) माइ दोनग्रा न _____ 2
- (ii) दै थाबाय थाग्रा जायगा _____ 2
- (iii) दानो-लुनो रोडि हिन्जाव _____ 2
- (iv) खेराइनि खामानिखौ दैदेनग्रा गाहाइ हिन्जाव _____ 2
- (v) हिसान हास'नानै थालांनाय खुन्दुं _____ 2
- (b) गाहायाव होनाय बाश्त्रा फान्दायफोरखौ ओंथि होनानै बाश्त्रा दा : **2×5=10**
- (i) सालाइ दोरोद 2
- (ii) खर' फुर 2
- (iii) मेगन मोहेर 2
- (iv) आगान गालां 2
- (v) साबा मोनजा 2

- (c) गाहायनि दाजाबदाखौ बाहायनानै मोननै मोननै बाश्ना दा : $2 \times 5 = 10$
- | | | |
|-------|------|---|
| (i) | -बाय | 2 |
| (ii) | -खौ | 2 |
| (iii) | -सोर | 2 |
| (iv) | -नि | 2 |
| (v) | -फा | 2 |
- (d) गाहायाव होनाय बाश्ना फावखौ गुवारै बेखेव : $5 \times 2 = 10$
- | | | |
|------|-----------------------------|---|
| (i) | साल खुन्थानि रोदा नायगिरनाय | 5 |
| (ii) | मालायनि मोनजाब्ला दाबखा उदै | 5 |